

Letter 596a: 28 February 1536, [Bern], The City Council of Bern to Capito and Martin Bucer

A copy of this manuscript is in Bern SA, A III 24 (= D.Miss.b W), pp. 208–9.

Unnser frund[licher] grus unnd alles gutz zuvor. Fromm, erwidrig, hoch unnd wolgelert, innsonders gunnstig lieb herrenn unnd guten frund.

Es ist diser tagem uß diserm Jammerthal, zum herren in erwige Ruw unnd unsterblicheytt gefarenn unnser getruwer bruder unnd verkhunder des wort gottes, Berchtold Haller, des wir unergetzlich hertz leyden unnd truwenn billich hättend, wann das wir unns zum herren versächen, er werd sin, angehept werck, durch sine geschirr, unnd heiligen geyst zu unns ußmachenn, unns ouch an unnser getruwen abgestrebenn predigers statt, ein anderem fursächer der unnser kilchenn nutzlich, unnd dem verdrigen nit ungmäß sye. Deßhalben wir dann den wolberichten unnsern sonnders lieben getruwen Symon Sultzer disernn zeiger der uch unnd ir uwer guthaten halb ime bekannt, ylends zu uch abgevertigett sich umb uwer ort. Nach einenn dapferenn, gotsverchtigen gelerter man, der gottes handel unnd unnser gemeind erschießlich, mit uwer hilff zebewerben, uch daruff frundtlich pittende, Ir wollennd uch unnser kilchenn lassenn anlegen sin, den handel zumassen bedenncken, damit des herren werck vurdringert, durch uch unnder andre by unns ernnstlich gepflantz, unnd angehept, further als byßhar mitt guten werckluten versächen erbessert, gemeret, unnd zu fruchttragenden buw gelegt werden in den lon vom herren des Wingarthens unnd unns ewige danckbarkeytt emphahenn, des ubrigenn halb, mögen Ir bewysenn diß vernamenn unnd Ime harinn als unns selbs gleuben geben, [...] ¹ unns umb uch allzyt zubeschulden. Datum 28 Feb. 1536. Sch[ultheiss] u[nd] R[hat] d[er] st[at] B[ern].

[*Address*]: Den Fromenn, Erwidrigen, Hoch- und wolgelerten Herren, Wolfgang Capito, Doctoren der Heiligen schrift, ouch Martin Butzer, sinen mittgenossen, unnsern gunstigen, lieben Herren, guten frunden unnd Bruderen.

¹ The reading is unclear, hence the elision points.